

tur, regentur deinceps in singulis Diocesi-
bus a Congregatione pari numero Ecclesia-
sticorum & Saecularium constituta. Reipu-
blica Praeses eliget Saeculares personas;
Ecclesiasticos vero eas, quas Episcopus ei-
dem praesentabit.

Congregationibus praesidebit semper Epi-
scopus, cui etiam liberum erit visitare ea
loca quae legitime a Laicis administrabun-
tur.

Articulus XII.

Sanctitas Sua concedit Episcopis jus con-
ferendis Paroecias; quae quovis anni tempore
erunt vacature; iique praevio concursu
Paroecias liberae collationis conferent iis,
quos ipsi digniores judicabunt; In Paroeciis
vero juris Patronatus Ecclesiastici instituent
eos, quos praevio pariter concursu, tamquam
digniores inter approbatos ab Examinatori-
bus, Patronus Ecclesiasticus praesentabit;
In Paroeciis vero laici Patronatus praesen-
tatos instituent, dummodo praemisso exami-
ne idonei fuerint inventi. In omnibus autem
praedictis casibus Episcopi personas non se-
ligent nisi Gubernio acceptas.